

白雲山房集

元



976448

序

余在滇南未第時卽聞新城張漢渡學博之名每以不得及見爲恨洎筮仕宰鄒平得晤新城孝廉張華林宗光見其文行卓然冠一時旣而知爲吾鄉劉寄菴司馬門下士實漢渡高足弟子也寄菴四宰新城廉明惠愛擇友甚嚴而漢渡爲其兄事者然則非公不至漢渡之爲人蓋可想見矣

序

且新城與鄒平相距不過數十里而漢渡數游長白過醴泉從未登宰官之堂余終弗得通譬欵道欵洽卽其著作等身屢爲搆求亦祕不肯見示其不敢自信而自守也又若此迨余秉東臬漢渡已歿數年冠縣趙酉樵明府以漢渡詩文集郵書寄余屬爲之序將付剞劂余受而讀之如獲拱璧私幸夙願一慰然案牘勞形此事久廢

奚能序漢渡哉抑思寄菴歸去後身在萬
里聞漢渡函耗恐其全集散佚猶致書於
歷城茂才朱生晚諄諄以付梓爲屬則漢
渡之必傳也無疑今寄菴歿而酉樵明府
華林學博取漢渡集細加校核以精粹者
付諸梓寄菴雖不及見而漢渡之文不致
湮沒將與古人並傳不朽寄菴有知其必
有欣然慰於地下者余更無庸贅辭矣是

序

爲序

道光九年歲次己丑九月滇南李文耕書
於濟南官舍



序

吾濟南郡爲山東省會近百年來酣沉古籍以博雅著者歷城林汲山人而後惟新城張漢渡先生獨出冠時林汲山人官翰林出典黔中試漢渡先生僅舉於鄉晚歲官任城廣文又落落不得志顧林汲山人詩文皆不傳瓘客歷城八年多方求之無所獲滇南李復齋先生亦云漢渡著述等

序

身祕不示人又歎其不登宰官之堂是爲不自信而且有守大抵吾鄉前輩學求自信而已若夫游大人以成名者華屋抵掌率皆向古昔大田拾其遺秉滯穗否則口承前人唾餘且歎且欲藉之以效摸金之中郎搜粟之都尉志士羞爲之嗚呼此林汲之所以爲林汲漢渡之所以爲漢渡其揆同也瓘家距先生之居不百里祇以飢

能驅我僕僕挈挈奔走西東竟未獲一識
先生之面丁亥歲作客江西適先生嗣君
壽甫抱先生遺集將赴滇南瓘得約畧讀
之旋因嗣君行急匆匆別去今復得讀先
生詩二卷先生既沉酣古籍又生漁洋山
人之里前輩風流未墜於地先生能以古
心古香起而賡續之其爲有目共覩奚俟
瓘言然得綴數語於卷中作驥尾之附亦
計之得者也承其文孫伯承之請是以不
辭鄒平後學成瓘

序



題詞

雲南寧州劉大紳

海岱重賦別茫茫廿餘春平陵朱生晚不辭音問頻開緘
黯雲結莫辨時昏晨樓霞吾取士已失平生親新城張夫
子又作干古人盧坡靳著述條然返其真夫子學業富古
文光海濱敘述司馬潔道德董生醇誼錯時事切向歆經
術新直從西漢入奮迅追先秦獨自闢途軌力爲除荆榛
是宜海內外弦誦奔說說顧唄庸妄兒挾策逐車塵罔識
已臧否遑恤人怒噴矯枉遂過正嚴守煩鬼神青箱固扃
鑰丹鉛靡薦紳我曾再拜請微笑旋長呻緬維我夫子擁

題詞

比將九旬風月豁光霽山斗高嶙峋諸生半齊魯規矩殊
循循襟懷實磊落取與必斷斷以此束脩入莫瞻家口貧
降辱廣文隊持版行逡巡可能公卿輩敬禮如穆申騎虬
飛上天與帝爲內臣王宸樂莫樂後進師無因琳瑯千萬
篇恐亦愁沉淪韓愈得李漢唐文遂振振賀詩投廁中織
兒胡不仁弟子多顯榮慷慨聞鄉鄰尋常裹黎木何至金
玉珍先生此遺文定不泥土湮送葬路悠遠賦招詞酸辛
淒淒浣江咽如臨彫水濤

右滇南劉寄菴先生哭先大父詩也先是歲在丁亥仲
父抱遺集若千首赴滇南將求爲大父作傳及全集序

言時壽光李端甫觀察官羅定仲父便道至署觀察繕
存副本乃送仲父以行既觀察解官爰將所錄副本付
梓工未竣先歸今且閱五載矣其板始克寄至而仲父
仍無音耗幸前於歷下得此詩原稿何石楂先生見之
嘆曰先生於萬里之外拳拳斯集如是卽作序意亦止
此序言如不可得以及題詞也可今諸先生議補刻以
成完書既編次詩集爲上中下三卷文集爲六卷附刻
三種各爲一卷卽援題詞之例敬錄此詩而並述其顛
末云道光丙申八月望日繩武恭紀

白雲山房集目錄

詩集

上卷

五言古詩二十七首

七言古詩十八首

中卷

五言律詩四十首

七言律詩四十八首

下卷

七言絕句一百三十三首

白雲山房集目錄

文集卷一

序記

寄菴詩鈔序

自喻集序 代

澹中詩集自序

白雲山房日課目錄序

遺愛圖序 代

遺愛圖後序

李氏世譜後序

朱氏世譜序

纂修邢臺節烈傳小序

送寄菴劉明府告終養南歸序

爲朝城紳士送劉梅亭廣文回籍序

代

始祖祠初建碑記

鐵山彭氏先塋祭田世系碑記

禹城縣建潔川義學記

白衣大士廟修葺碑記

重修華嚴寺碑記

重修松風山祠宇並補栽樹株碑記

臨淄縣南磨坊重修關聖廟並建義學碑記

白雲山房集目錄

二

重修石橋鎮石橋碑記

重修阜成橋碑記

重修長山縣南關永安橋碑記

淄川縣南候莊重修范陽河九龍橋碑記

國朝三十家詩鈔後記

羅峯先生手錄古文書義目錄後記

華山北關詩卷後記

遊華山記

卷二

書論議

答王守閑明府書

答友人論文書

答人問譜例

丙午山中復劉明府書

答劉寄菴明府第二書 嘉慶壬戌

乙丑七月答劉寄菴明府

答諸城李雨樵第一書

答雨樵第二書

答雨樵第三書

答雨樵第四書

白雲山房集目錄

與趙秋渠書

答袁秋漁書

論堪輿葬書一

論堪輿葬書二

論筆塵月食地影圖一

論筆塵月食地影圖二

新城水利四議

卷三

壽序 頌贊

周漢南先生壽序

張默思先生八十壽序

沈明庭八十壽序

王竹坡表弟壽序

民部袁秋漁表弟壽序

荆氏五老人壽序

鄭裕如先生九十壽序

李五常先生壽序

田美斯壽序

少司寇李松園先生壽序

代

孫封翁雨蒼先生壽序

代

白雲山房集目錄

四

趙邑侯鶴臯先生壽序

代

董明府父母雙壽序

王瑞圃夫婦雙壽序

石景樊先生雙壽序

代

劉明府母夫人李太孺人壽序

宋母王太孺人壽序

尹母夏侯夫人節孝壽序

張生懷玉母夫人節孝壽序

張生祖參母夫人壽序

張母許孺人壽序

例封安人張母宗太君壽序

代

馬生遇時母夫人董太君壽序

代

前題

代

代羅峰師爲姻家雙壽喜容頌

附贊二首

卷四

傳 遺事

明河間貳守渤陽沈公補傳

明文學成若初先生小傳

王文簡公傳

新城後志

何端簡公傳

新城後志

白雲山房集目錄

五

丹符于公傳

新城後志

顏天翼傳

顏哈班傳附

邢臺縣志

明經李玉坡先生傳

貢士李公小傳

孟廬山先生碑陰小傳

蓬萊教諭王澄源小傳

王公漢傑碑陰小傳

國學耿公小傳

源長成公碑陰小傳

景程耿公碑陰小傳

欽符李公碑陰小傳

臨川宗公碑陰小傳

漢庭胡公碑陰小傳

張耀如碑陰小傳

張百周碑陰小傳

邢翁遺事

和處士遺事

李孺人節孝傳

節孝孫孺人傳

毛節婦黃孺人傳

白雲山房集目錄

袁母趙恭人節孝事畧

書耿孺人遺事

王節婦事實

卷五

墓誌銘

金衢嚴道王公墓誌銘

誥授朝議大夫河南衛輝府知府季陶王公暨元

配趙恭人合葬墓誌銘

代

誥授朝議大夫貴州鎮遠府知府前江西建昌府

知府敬亭王公墓誌銘

奉直大夫候補知州孫聖淵墓誌銘

誥封武德佐騎尉候選營千總何公墓誌銘

勅授修職郎青城縣儒學教諭石塘魯先生墓誌

銘

馳封修職郎李公合葬墓誌銘

例授武信郎于公範九賢配崔安人墓誌銘

代

于曉村墓誌銘

孫太恭人墓誌銘

武翼大夫廣東惠來營遊擊四川普安營叅將孫

公墓誌銘

白雲山房集目錄

七

恩縣訓導和衷崔公墓誌銘

卷六

雜著

新城建置考

古澗水考 附古濼水考

周世宗誕生之地辯

方言土字辯

題劉寄菴明府入關圖

集錄奕譜小引

崔樓重修鎮武廟碧霞元君祠募緣引

重修鄭橫溝卧龍橋募緣引

重修瀆中石橋募緣引

長山縣李家套新集莊重修南北橋道募緣疏

纂修邢臺縣志例言

重修族譜凡例

鄉里差役條約

同人主客饌具約

壬子年書周作霖文後

述舊示王氏甥孫

爲人書扇四則 附錄三則

白雲山房集目錄

八

長山縣袁松山先生入鄉賢祠三學呈文

王孺人舉節孝三學呈文

王聘于婚啟 爲甥允楚

于報王婚啟

附刻三種

考工釋車一卷

離騷經章句義疏一卷

等韻簡明指掌圖一卷 論附

及門分校姓氏

張宗光 華林

魏淳嘏 福亭

王允楚 漢南

何維絜 平子

張健修 毅甫

陳支睿 思之

耿維莘 希尹

胡太光 乙垣

王允支 開子

胡公芳 蘭亭

張允恭 子欽

胡公桓 恪亭

王允案 錫田

于汝寅 東暘

張巖廬 棗坡

成龍泉 雲谷

史載筆 硯田

張紉祚 文田

分校姓氏

成之綸 綽廷

成之桐 石圃

耿維誠 和齋

胡岱雲 秀東

周光巖 玉珍

呂燧 書岩

李景沆 端甫

孫詮 子眞

趙汝毅 乾甫

李田 見光

張玉琢 太璞

馬遇清 允升

趙安經 蘆村

李昌齡 椿圃

馬遇時 秋巖

王肇濟 沅西

趙汝誠 虞民

馬愛時 春臺

馬安時 拙村

孫玉圃 蘭墅

臨邑

長山

臨邑

長山

禹城

鄒平

齊東

臨邑

冠縣

濟寧

壽光

樂安

書岩

書岩

朱 畹 救人 歷城

馬冠時 伯瀛 臨邑

李漢炯 星槎 長山

李綬年 豐萬 淄川

後學分校姓氏

李璋煜 方赤 諸城

車克慎 武堂 濟寧

王蕙滋 仙李 奉天承德

莊恩藝 稷堂 莒州

張夢麒 石莊 觀城

張曜孫 仲遠 江蘇陽湖

袁宜業 理堂 長山

袁湛業 琴池 長山

張業醇 董香 高苑

陳 超 元圃 歷城

王錦林 舒圃 臨淄

王榕吉 蔭堂 長山

李 綸 經五 益都

張椿圃 英谷 高苑

分校姓氏

孟開基 柳塘 長山

王雲峩 眉蘇 臨淄

李敬潞 彥齋 長山

焦元棐 輔之 章邱

張作孚 西岩 高苑

宋士端 子方 博山

袁啟賢 子承 長山

馬維藩 伯旬 臨邑

耿維莫 芳九

王維藻 蓉洲

王允灌 愚溪

陳克雋 伯英

耿維祐 霽園

王 翮 儀甫

李士湄 淮東

成維嶽 崑山

于 兌 秋門

張允嘯 廬山

耿懋和 春卿

張允植 培基

王維寅 協齋

王維潛 陶仲

王同方 矩如

鄭士翼 廷輔

牛與萃 聚之

王茂椿 壽山

張唐勳 義仲

胡紀雲 伯轅

田毓關 乾一

王茂蕙 香谷

耿曰忱 迪齋

張振鷺 伯翔

分校姓氏

及門姓氏

周作霖 雨蒼 田光彝 執中 胡文光 燦章 成元濟 巨川

王宸寰 梅岑 龐鳳翥 初表 高士僕 子毅 于崇倬 太初

成開鄂 右扶 呂維垣 厚齋 崔瑛 漢卿 張嗣端 統四

胡遴廣 駿聲 宋之瑣 玉章 宋若崐 五城 宋若紱 印章

沈曰瓚 漢俊 沈曰奎 際五 周曼思 東倩 周豫書 鸞坡

耿肇芑 豐田 王祖徵 聘侯 王祖沛 雨亭 王祖喟 蘇村

王宸鐸 王宸恂 王宸禮 王允榛 麓亭

王允榮 戟門 王允梁 南州 王允樽 又陳 王允寯 跋賢

王允栢 新甫 張佐麟 廷光 張凌雲 張亦綱 振三

及門姓氏

張亦典 慎徽 張亦誥 紫來 張殿光 麟侯 劉統光 子綱

李秉銓 子衡 王滋杰 張景周 拙村 魏華清 霽亭

馬汝清 許慎典 徽五 徐晉保 鄭鏡渠 嶗峯

郝相廷 成之梅 占魁 田光開 子初 邢法祖 子度

伊訓 商衡 荆宗華 秀岩 萬春耀 張祖參 魯亭

張懷玉 張巨川 張穎川 宗曰松 鶴亭

宗曰桂 丹岩 何維均 何維垣 于丕亮 藻亭

胡公正 季方 牛伯麟 墳亭 牛仲麟 篋亭 周鴻訓 任臣

于象洙 胡景雲 瑞堂 史傳緯 王同德 武臣

呂維駿 右閑 張允葵 何遠 張允桐 鳳圍 張允賢 唯之

張允佺 華垣 張 選仲青 張可襄 贊亭 張可棟 隆吉

張士東 于亭 張殿槐 植三 以上同邑人 李暉吉

張光佐 礮溪 王禹功 甸南 彭宗禹 袁德基 令輿

孫貫一 又魯 曹文標 李廷茵 叔偉 以上長山人

李廷颺 乃賡 李昌時 芝圃 李德霽 兩人 以上鄒平人

馬樹言 訥亭 李 憐 馬乘時 俊起 馬因時 心矩

周敬菴 以上臨邑人 王 榭 培元 龐 泮思樂

王延泰 聲和 王恩錫 天長 以上商河人 王劍光 化龍

王振西 李 灝 素光 夏廷獻 聶 機

于墨林 西園 以上禹城人 孫元琛 瑤圃 孫元瑞 潛村

及門姓氏

孫懷漢 汝南 王世珍 崑圃 王本謙 遜亭 王朝紱 方來

王培基 王襄祺 介臣 王 淦 豫章 王 洛 榜名 冠石

路亦臨 路亦保 于應鶴 于應璧

張魁光 張金鈞 邊子鑾 宋 琦 景韓

崔雲階 雪門 以上臨淄人 黃河清 姜懋修

石 瑜 石清遠 石道遠 趙衍譜

譚受益 以上益都人 錢世昌 光緒 郝亮祖 貞甫

鄔德泰 潤田 以上濟寧人 趙汝慈 冠縣人

王鍾吉 藹人 諸城人 范長魁 歷城人

李廷勳 柱華 博興人 李修鄰 德平人

竇景燕 形東臨胸人

潘勤 振齋樂陵人

尤玉温 章邱人

朱雲亭 齊東人

鄭光霄 陵縣人 牟宜樸 鈍夫棲霞人

右皆先後先生而沒者先生篤於氣類及門諸子一經指授亦各有淵源不問而知為先生弟子也昔柳子厚於獨孤申叔墓碣書故友姓名於後朱竹垞卽援以為例於周青士墓表仿其意而書尤加詳及門亦朋友也因著於冊而凡存而可考者並以次附於左門人王允楚敬識

羅浮山 雙峯 呂維嶠 海巖 胡奎光 星垣 周揆一 伯符

及門姓氏

三

陳文新 德符 張臨川 張宗福 史永吉 六謙

胡公陶 賡堂 呂燦 星岩 沈西駿 何承泰

何承壯 履貞 牛可興 秋南 田亦綱 伯常 周鴻誠 季真

尹茂楷 端木 高維蘭 馨谷 鄭鏡沅 導東 鄭聿鐸 聲遠

鄭兆昇 際平 鄭兆俊 濟川 段士璞 宗曰桐 嶧陽

宗承烈 剛峯 王允溪 霽亭 王允栩 子欣 王維佑

王維浩 義元 王維灝 海濤 王維澍 雨軒 王同心 蘭如

王同文 蔚如 呂維驥 左閑 劉克位 敦素 任澄清 豫章

耿化南 曉亭 耿維儒 士林 成墨泉 翰章 張允楨 幹亭

張允樸 淳甫 段振清 秋石 尹秀莘 衡軒 李溶光 濂溪

伊叔謙 馬雲衢 胡崑雲 胡岳雲

鄭士傑 蔚堂 王 珞 賓石 張允棠 蔭圃 張允琪 潤東

張允槐 植廷 張殿桂 植五 畢永清 修文 耿維渠 秋溪

沈鳳彩 輝五 馬煥光 文甫 周鼎泰 新宇 王維楷 端植

何 鉞 玉柯 鞏謙光 益甫 鞏觀光 賓王 鞏恩光 錦波

田毓盛 際斯 田肇樽 亦大 田斯悖 裕堂 田毓閣 紫臺

田毓閑 子駒 田錫智 愚村 耿維統 貫三 耿曰恕 心如

耿曰恭 壽甫 耿曰恬 靜甫 耿曰恪 震甫 耿曰惠 修甫

耿 介 于石 耿曰恂 知軒 魏崇熙 緝菴 毛泮林 香浦

成維鑫 琦士 成維珏 雙玉 牛季升 階吉 牛與釗 勉堂

及門姓氏

尹樂莘 公任 胡登雲 青步 金士瑁 聰珮 王茂燦 斗文

呂國序 殷圃 傅惠來 宗僑 牛士侗 愿卿 張思九 心一

張可枚 功臣 張可紳 書諸 張思豐 芭園 張殷份 均堂

張邦彥 直堂 張茂佃 毅夫 張邦傑 魁多 張邦雋 邁人

張茂淞 鱸江 張應鐘 豐山 張應崗 崑玉 以上同邑人

李廷槐 蔭南 李宗翊 薇垣 石丹文 子眞 王衝霄 鶴亭

張守庸 仲常 袁啟霈 錦沆 張唐瑞 輯五 許培楷

李敬熺 仲曜 李敬灝 若梁 王榮甲 登甫 王焯祥 旭岩

王宁祥 瑞彤 以上長山人 李廷環 獻西 李廷琇 公佩

李謙尊 小山 李春旭 榜名 以上鄒平人 李香亭

李連亭 謝逢昌 泰初 馬 涓 震溪 馬汝梅 韻友

馬光時 利賓 馬履時 坦齋 馬鳳時 應韶 馬麟時 素書

馬堯時 際唐以上臨邑人 劉 沼 鑑亭 邢彝憲

王得壽 錫齡 王得貴 知希 魏馥堂 楊有恒 可久

信中孚 李庭訓 胡克元 程相蘭

李得盈 趙濟川 馬福甯 安大傳 明述

劉南星 尹廷梅 劉克篤 馮錦章 雲爛

馮玉章 張宗弼 趙有年 胡含章 西園

胡亦園 趙 坊 仁表以上禹城人 王本恪 敬亭

孫兆襄 贊臣 于式疆 東畝 齊來晉 西垣以上臨淄人

及門姓氏 五

車方坤 美舍 張學謙 硯農 張以琢 詣純 張繼鄒 淑輿

張榮泰 履堂 秦 蓉 碧塘 李聯禮 滙庭 葉 潤 崑珍

馮德城 金墉 劉福善 慶餘 魏蘊璞 荆山 王禮耕 文田

杜學至 于海 孫毓相 桂巖 孫毓漢 雲阜 孫毓淮 容江

孫毓珠 貞浦 王乾錫 純嘏 孫 浩 養齋以上濟寧人

黨登鰲 軼倫 張 域 建侯 王伯達 輝周 史健剛 雙鋒

王永治 化遠 王 朴 醇古 崔逢戊 現昌 徐邦彥 西園

王本株 封五以上商人 李其勤 張丙南

張健堂 以上齊河人 孫其昶 孫持衡

張敬行 以上朝城人 唐汝楨 宋士迨

宋萬程

以上益都人

高積階 麟臺濟陽人

王守恬

李順吉

以上德平人

宋可大

而壽萊陽人

寶亦塏 爽亭臨朐人

田光介

鉅野人

李廷梅 庾南博興人

張鶚

孔舉樂陵人

張鴻磐

濱州人

王潔

張鄧

張允修

直隸定興人

張復性

董渤海

董渤海

直隸昌黎人

麻坦樂

麻坦行

直隸望都人

陳鴻賓

直隸深州人

薛肇源

江蘇無錫人

及門姓氏

白雲山房詩集上卷

濟南 張象津

漢渡

古體詩

畫城

訪古登畫城徘徊歲將暮荒陞水紆直舊是燕秦路市
館幾消沉遺蹟渺難溯感念昔時人三宿此中寓徒懷
望王心浩然竟歸去東指緬大風殘堞紛糾互是城幾
將興遺恨功利誤空餘雪宮址千秋隱墟墓

不赴京兆試送諸同人

耽寂抱微尚蹇劣拙謀身豈敢薄朱紱有祿弗逮親長

白雲山房詩集上卷

安花正發綺陌夾征輪去去無返顧世有後時人

渡淄水感懷

息軌淄水外白霧吹天風市中賣藥客孰是鹿皮公悠
悠山南望初陽著樹紅側聞岑閣上芝華幽蒙茸何日
杖策去永寄青霞蹤

青州卽事懷何梅村于澄園

平疇青蕪長溪橋柳綠春風將夜雪吹白堯山祠日
夕城頭望故人不在茲無緣假羽翼悠悠空爾思

愚公谷

步上愚公山下訪愚公愚公不可見緬懷空躑躅遺

墟野蔓長平疇禾黍綠繁花被通阜離離光燦目還見
谷中人口暮驅駒犢

曲磻

晚晴愜所適曲磻遂幽步魚蝦野水春芳杜及未暮喬
林濯清暉岸篠豁風露時禽幽谷鳴諧此靜中趣良遊
有爲娛餘事復奚慕

柳下

柳下聽鳴蟬微陰驅薄暑岸闊蓼花風石淨綠蘿雨汎
汎水禽嬉波上久容與悵然念遠人日夕渺何許

分賦得烏衣國

白雲山房詩集 上卷

海上有神山孤嶼開芳甸別島爲烏衣元稹襲霞茜中
有噓蘭人柔懷託芬絢渺然非世情幽襟有殊眷豈敢
通蹇修所望容孤狷據此東望思遙假西風便秋來緘
素書結綵繫雙燕

得伊丹木表兄江陰書奉答

宵夢涉烟水風滿白蘋洲晨啟故人書招我吳江遊夙
聞六朝都山川足清柔兼饒文翰侶浩蕩五湖舟丈夫
輕鄉閭焉能竟薶頭惜哉願不遂閉關養憂幽日夕望
南雲空負秣陵秋

寄人蓬萊

別時秋又至遠道苦思君東望魚鱗細知是海上雲離
居各千里隔歲阻音聞何當凌蓬嶠共狎白鷗羣

感興二首

星精爲沆漑遙夜無聲息凌晨風微勁化作檐間白天
意豈有窮寒暑忽遷易奈非金石質百動搖精魄無方
解駐顏胡爲勞形役

黃鵠避矰爵翱翔青雲端白鶴巢林表亦得辭金丸世
途無險易周防良獨難履坦以忘機豈有非意患惜哉
楊朱子徒懷歧路歎

晚過澠淄二水

白雲山房詩集

上卷

三

野曠畝縱橫寒風吹蕭葦溪禽橋邊宿逼人始驚起稍
前循古城晚市散沙汭樹暗白烟橫谿迴蒼崖倚月出
色昏黃遠照深澗底行久僕亦疲將渡還徒倚迅下逐
淺流屢折辨遺軌岸迥蟻緣壁逕仄馬登陴出險聊一
憩浮埃漲山趾熒熒矚林光前途尙幾里

登樓

晨起日色昏村落隱輕霧相將樓上來豁然乾坤露晴
高大岷雲秋遠濟陰樹海山何處歸萬里如可步

戊申九月同劉寄菴明府牟盧坡孝廉于滄巖先
生及同邑諸子泛錦秋湖分得綠字

山頭望波光十里環碧玉今上泛湖船新晴愜所欲霜
落水氣清浪靜微風續蒹葭何蒼蒼藻荇寒猶綠使君
主騷壇中堅卓大纛詩成各有神魚麗競相逐回棹日
已斜遠岸立僮僕

和劉寄菴明府古城

蓬勃下天風夕陽散平楚興廢竟何年殘堞無數堵知
是兵燹餘時時拾敗砮歲久還村落茅舍聚三五却憶
龍蛇間流移路旁午城中少爨烟掘地盡野鼠百年成
小劫何暇追用武是時有賢侯撫字兼恃怙鴻鴈集中
澤遺黎忘愁苦去此今幾時旋復來弔古民力未全蘇
秋疏已盈圃擷之拜馬前用以代返哺懽然一夕留地
僻無更鼓晨起賦新詩一笑出前浦我誦使君什有語
未能吐書此遺居人竹枝備風土

花山北閣分得山字可字二首

乘興時尋勝到處許躋攀蠟屐兼載酒復上此東山山
麓有佛閣直入青冥間拾級一登臨豁然俯塵寰大峴
飛片雲下是穆陵關想像師尚父提封列鬪關如何千
載後雄風去不還安期與羨門無方解駐顏惟當飲美
酒坐對高僧閑

雲日盪虛空霜風肅塵堞當檻秀色來蓮峯正如朶勢

挾羣山東列嶂逐奔舸目極盡海隅地窮天下裏遊心
太古前二儀方虺虺坤維孰主張土石安貼妥惜哉無
傳人欲語誰印可神疑忽喀然轉覺我忘我迴視鐵與
華螟蛉與螺贏

是日會者二十二人以山中何所有二十字爲韻

一人分得嶺字代作

北閣何峇巖開軒得勝境石秀是蓮花萼跼堆千頃金
鐵簇烟鬟長白晚粧靚錦秋漲永奩俯窺各照影况當
冬日溫風定午鐘靜雲日盪層霄野色活萬井分體拈
瓣香韻寬遂得騁深愧祖詠詩終南賦陰嶺

白雲山房詩集上卷

五

雲若築室巖曰寄齋索詩爲賦此

風輪轉大千一塵緣飛墜塊然升降中生物息相吹遐
睇盡寰宇俯仰緬身世稊粟落大瀛狹鉅兩不異形骸
寄須臾况又寄所寄彼哉憤憤者瑤璇起平地所居僅
容膝胡爲勞遠致深謀裕千載展轉無終既會見瓦礫
場離離長秋穗始藏孟嘗君終下雍門淚爰有達生人
空洞無物累一室羲皇前喏焉齊醒醉而以寄名齋謂
與齋相值有寄卽有歸若歸於何庇君言歸何有神馬
意爲轡當其意盡時萬緣風雲等寄無歸亦無言寄乃
非僞人事渺無窮紛營無愚智道術亦各出深巖難擬

議孰爲楚莊周孰爲魯展季援筆爲賦此畧見山樞意
後來者誰與勿謂斯言戲

擬古二首

落葉風中下浮萍水上流氣機不自主飄泊無時休
生植重根蒂一蹶何能收芳藂托空谷歲蕤向九秋華葉
相藉覆芬馥精意留豈無鷓鴣歎委順亦何憂

少年多悲惻應知願力微嗟蟻緣遠壁念其不能歸
既壯識求志三五慕光輝慷慨定節日誰譏吾道非

冬夜

昔人忽已遠卷軸有遺文焚膏向冬序清坐每夜分
豈

白雲山房詩集

上卷

六

懷簪紱願夙志悅奇芬流光紛冉冉業常起精勤殫此
窮年志庶以益多聞

送寄菴明府南歸

別時七月半重逢八月中屈指兩年裏寤寐常相通
小齋曾枉駕盤殮供韭菘私幸不遐遺言別何匆匆花山
留勝蹟屐齒得相從登高騁極目分韻索詩筒愧我非
賦才黥染遜宗工惟此冬日愛光照危欄紅

秋夜寄懷張雲若

夜深不成寐當感離思多美人隔秋水渺渺奈愁何披
衣出庭戶皎潔見明河大火西南流微茫寒欲波野樹

孤鳥鳴哀怨如絲窠作詩欲相寄久立月婆娑已復還
就寢窻影下綺羅蟲聲語牀下淒絕滿檐柯

力衰

力衰難行役兩檄到兗州前罹冰雪苦今爲滄暑留天
地原曠濶人生貴自由平生無外慕此行復何求深怪
二三子愛我慮不周

寄表弟袁秋漁

林鳩頻喚侶社燕亦羣飛當春忻茂對物候兩不違如
何人一別遂覺會面稀池沼春流長圍蔬蕨芽肥何時
攜棋酒共拂舊苔磯

白雲山房詩集

上卷

七

題深林夜月圖重索曉村墨竹

竹梢露墜苔衣濕秋螢飛入深篁立月側石上忽橫枝
化工有手畫不得我家湖畔苦風寒冬來種竹無數竿
願君更寫嬋娟影留向霜天雪夜看

擬李長吉山中孤客歌

山木籠霜霜葉紅西皇嬪令移東風山間孤客隨秋蓬
浩歌上下荒榛中旅雲不動橫高空遠聲斷續悲蘆鴻
蘭葉枯悴花蒙戎石上菖蒲凋紫茸生成一體造化功
清看白晝百不同溪邊新柳岩間楓何時看却烟濛濛

齊城歎

清淄緇泥深沒股舊是南山山上土由來人事有廢興
昔日朱門今禾黍牛山還顧淚沾衣一例銷沉向夕暉
梧宮柏寢知何處死士生王空是非君不見齊城圯盡
淪平蕪今城改築城南隅城中闕闕重重起百年甲第
今亦無後人未覺白日速依然伐石起新屋門前駢填
又一時百蹄挽重牛穀餘

桔槔歎

城中禱雨城外晴城外禱雨緒雲生赭雲散盡暮天碧
城外徧起桔槔聲桔槔徹夜聲不停判將身手與天爭
天公仁閔覆蒼生百神司令周八紘雨師喚雲雲不磨

白雲山房詩集上卷

八

雷公鞭鼓鼓不鳴付與桔槔自作程桔槔非人水不行
鶴俯鶴啄尻首并汗流漬與井榦平畦中依然水不盈
苗稀散作魚尾積夜闌氣盡聲不盡隱隱倦力相支撐
此時肅肅曉風清城中達官夢初醒美人素纓汲銀瓶
輓轆却向雕闌聽

園中花開邀于澄園

開歲一月水嶙峋餘寒鋼陽鬱不伸上元已過驚蟄始
疎梅欲坼猶逡巡水仙偃人鑄深室以火助長非天真
郊原彌望風色慘百卉莫丐東皇仁夜來風信送花雨
三日忽轉園中春黃鸝繞樹燕燕語奔蜂戲蝶來四鄰

羣芳匝地間青紫爭與桃李相鮮新就中海棠尤絕倫
猩紅着樹開初勻新粧不用照高燭睡足靜與人相親
偶然造化有早暮錯以速效苛鴻鈞擬傾杯酒澆花神
邀君不至花應嘖

和劉寄菴明府撫山樓歌

南山發脈由岱宗蜿蜒東下青濛濛金華忽歧作駢股
相持北走廻雙峯坡坳連延尻首接之而鱗鬣行虛空
就中有樓撫山脊如蹋鰲背驂魚龍今年偶借二子
攜笈晏坐荒山中使君探奇不辭遠乘輿來訪幽人宮
黃花未放桂子落千岩正點霜楓紅樓頭淨埽芳揮翰

白雲山房詩集上卷

九

雲濤墨瀋相春容烟嵐一抹攝筆底驅遣萬象生長虹
高第弟子脩髯翁歐陽門下推長公堅陳時放出頭地
別建旗鼓成兩雄我從弱冠邁多病學如寸線關強弓
寒竽澁縮枯竹廢呖然一發何由工把詩重玩三歎息
鞭弭周旋慚力窮惟當靜聽鐘千斛高傳萬壑飄玲瓏
和劉寄菴明府將遊湖阻雨

居士泊水淺如孟孝婦河流短如裾襟帶吐納滙爲渠
玻璃萬頃浮清虛錦秋名自司馬于就中風物江鄉俱
其上鴻鴈鷗鷺鳧鴛鴦鷓鴣鳴相呼下有鱖鱣兼鰕鮒
豸小人仿淞江鱸使君作宰舊分符三載仁恩洽烏魚

移去曹南人嗟吁登高望遠空睢盱今秋解綬翩然至
人如挾纊澆醜醜撫山樓中十日住旋來泛船招吾徒
一夜湖中波浪湧朔風中人寒氣粗使君高吟愁路阻
合座低眉慘不舒牟子捉管掀髯鬚風伯雨師遭挪揄
莪石畏凍體甚癯論說五行援先儒天人感應交相於
正如蚤蛩與巨虛歲當己巳民饑劬高原下隰皆焚如
使君虔禱甘澤敷湖鄉先生菰與蒲忽然蝻生合寸膚
戢戢多如甕浮蛆婦孺驚號持竿襦往來性命爭須臾
天感侯心哀民愚陰遣六丁隨神巫有鳥北來遮雲衢
非鷓非鷓非鳩鷓丹吻綠距毛羽殊前結方障後揚桴
伍承彌縫乃其雛喙斷翼格迅埽除神物來去風飈途
須臾蝗盡鳥亦無此事驚詫遍里閭燕談備入雪嵐書
今日侯來民氣蘇童叟眼穿聚路隅各綸綵繩牽侯輿
各庀薪芻秣侯駒民視民聽帝所命曲從人願理非誣
偶然陰暄豈戲娛用除穢濁洒塵塗暮雲解駁風已徐
明朝應見暖氣抒憑君結束莫躊躇舟子戒航如脂車

時水觀放閘分賦

羸馬來訪吟秋客岸草籬花皆蕭瑟相逢一笑下河梁
迴視陡壁絕百尺是誰劈罅走風霆懸流一瀉浪花窄
夕陽明滅噴雪乳盤渦疑藏蛟龍宅坐久復起忽莫持

精神眩掉眼光黑我聞水鑑人取平有物觸之乃湍激
正如人心無喜愠天遊勃溪反傾側咫尺波濤與變遷
灑灑呂梁知何極平生學道究安用以此慚公不自得
題牟琴宜畫馬
畫馬不畫奔絕塵平蕪蹀躞細柳春畫馬不畫驀岩谷
交頸相靡蹄卓玉亦知將軍有深意壯士抱才能不試
安得千秋常太平人馬雙閑關塞清

寄菴明府小別

使君本是烟霞客丹訣已成猶斂翮一夕難忘造化心
翩然出救蒼生厄東國居士商山邊閉門攻苦幾年年

白雲山房詩集 上卷

七

白憶前身爲古衲因識使君是真仙眞仙古衲兩分手
一念誤差墮塵垢就中無復容安身俱皈孔門托尙友
海東日南異升沉天假奇緣晤素心撫山樓上同杯酒
蓮花峯頭共題襟卽今小別成悽惻地角天涯情何極
亦知太上貴忘情因愛生戀百苦集名義千秋共立身
宇宙縱橫俱爲鄰但使所同能不昧合離聚散那由人

仙人瀑

平生耳熟玉井蓮太華峯頭藕如船又聞太行天井溢
新晴長劍倚青天青社城南古化宇誰穿雲根出雪乳
山髓并裂久未合岩下白石皆可煮人傳神瀆溢華胥

鈞天入夢事有無地去齊州正非遠行者于卧徐徐
盛世化澤咸三五仁壽可登象可睹仙人符記近能徵
山前綠字大橫畝

紀旱

早田已失晚難俟今年旱自去年始河中泥作龜坼焦
墻陰修竹晝枯死朝起占日到斜曛不敢望雨惟望雲
向夕無雲星厯厯風外桔槔終夜聞

戲簡于曉村

曉村村力早殊衆三十未出爲世用餘事喜爲竹寫眞
節目礫硯遠託諷吳興斌媚雍姬媚陵州老橫坡放縱

白雲山房詩集

上卷

七

十年藝成兼昔人衙官馮楊比屈宋賢愚有請了不噴
鐵作門限中穿洞有時紙積長巨牀麻繩約置如巨甕
興至迅埽風雨遲一瞬百幅挂枅棟意閑韻遠妙各出
一一可儀阿閣鳳邇來世俗趁虛名也許此君填賓貢
朱門賺奪巧相遺贖裝金銀充齋供先生坦夷兩無嫌
墨寶近頗知自重彭城襪材莫輕投見常閉門稱腕痛

遊具邱

芳草縈路和風天路傍桃花紅欲然祝柯城西西河外
土隆隆起驛道邊舊名具邱始何代圖經載入無歲年
是日偶偕二三子尋花蹋草邱之巔上有古廟肖神像

冕旒南向開几筵傳是濟潔煩疏淪神禹曾此望風烟
是地正當青堦境齊趙錯壤相鈞聯沙邱梧臺已莫考
况欲遠溯殷周前春風披拂浩無邊大地鶯花爭鮮妍
君不見麥青陵坡連陌阡太平雞犬皆得安人生有樂
且行樂何取往事窮鑽研

海燕

燕之大者爲海燕冬棲荒微春始來羣飛不覘小家屋
樓臺多處相喧聒正如下士羞蓬華萬里微逐長安街
或言是鳥與凡異鵲巧鳩拙非其儕雖有脛股不能步
以翅代足隨風埃乘高投下便將雛因借樓閣爲梯媒

白雲山房詩集

上卷

三

是言有理非篤論恐逐枝葉遺根菱造化生生千萬古
卵胎風濕從其才龜龍圖書文明久勳華垂裳猶土階
有巢以前世更遠民安陶復無嫌猜是鳥將雛已多載
不知何處尋樓臺心隨目眩江河下萬事積重無由迴
阿房一炬華清續却怨驪山是禍胎蟲雞得失無了日
仰視海燕飛飛依然遍九垓

木棉

秋花不如春花好春花未秋已先老桃花何似榴花紅
榴花開時無春風世間何事能兼得失馬失弓兩不惜
瞿曇曇花色亦空空色誰與辨虛實張騫鑿空出流沙

羸得蒲桃入漢家織女支機今何處猶喜攜來木棉花
木棉入漢幾千載衣被蒼生遍四海美利如斯三代無
洙泗剩得緼袍在兒童温室養水仙凍瀑寒梅更可憐
持與木棉較損益諸花可無問姪妍

遠遊

奇氣鬱不舒放懷寄遠遊我遊非五嶽亦復非十洲昔
者天生十二子大撓定甲分剛柔二十八宿旋相配循
環終始無訖休就中人事偶然值各緣晝夜間昏旦晦
朔及春秋我欲因之窮上古不以形遇以神求元會運
世倏然歷一一上溯究根由

書懷

視柯城裏三年住何事淹留未歸去芳草惜與故人違
又見秋風入庭樹來日苦短去日長不堪把玩是流光
錦秋湖畔舊廬在佚老胸山計亦良胸山西南壽山北
疊嶂重巒與世隔紅葉被山花滿庭四時俱是幽人宅
去歲作書遠寄將爲管精舍小溪旁儲書萬卷桃源裏
何必菟裘是故鄉

白雲山房詩集中卷

濟南 張象津 漢渡

今體詩

松風亭寄懷

郊外芳春路來登山半亭雲寒風不散石瘦草還青鶯
語出深塢峯嵐開翠屏故人空矯首何處接芳馨

遲日

遲日林巒靜嵐光半映門鳥鳴山外樹花暗雨中村黛
色生瀟照鄉思入故園那堪池畔路細草怨王孫

同仲兄登玉皇宮

白雲山房詩集中卷

山足纔鋪翠柳條已蘸金爲尋烟際寺來此一登臨霽
色明巖宇松濤覆殿陰今朝遠林鳥啼斷故鄉心

夏日有懷崔和衷

露坐消清暑山風入砌深月微沉屋角螢濕聚花陰孤
館少塵事幽居諧素心如何離索久不復寄瑤音

下簾

下簾三伏雨不到水南村偶逐新晴色來觀舊漲痕蘿
長侵逕狹蟬靜避人喧惆悵烟霞侶思同藉草論

簡止龕主人

曲溪抱村注微雨暗前峯欲訪羊裘隱遙迷鹿柴蹤著

書窮始富學道老宜慵虛憶荒園裏鱗生手植松

寄懷王彛周時赴京兆試未歸

隔巖遙分袂離心夏向闌忽聽連榻雨知爾尙長安遠
道稀來信羈情入早寒何時歷亭月杯酒更同看

薄暮

薄暮西山望田家雨半晴孤村依埠出高稼與樓平谷
靜傳樵響人閑識笛聲何來雙白鳥遙映葦花明

徙倚

徙倚長松下蕭蕭遠坵氛石潭空夕照山靄化秋雲確
急風逾響林疎雨尙聞邇來幽絕意併入白鷗羣

白雲山房詩集

中卷

安平

欲訪田單事安平有舊亭遺封元未改浩劫幾曾經楚
逕倚荒壘炊烟連遠汀火牛那可問風雨夜燐青

中宵

日日晴臺望炎風瘁綠疇三時無好雨條已及深秋里
巷已艱食蓋藏良足憂中宵常不寐非是爲身謀

惆悵

聲多聞塞鴈風急散清砧孤緒易爲感况當秋氣深好
花仍罨砌宿鳥不歸林惆悵年來事空驚落葉心

客夜

簾捲風吹砌深林隱絳河天空雲去遠秋靜鴈來多久
客無歸夢流年赴逝波候蟲倚人語一倍感蹉跎

山村

山村木葉長好鳥不知名一夜簷前雨來添意外聲雜
花兼助色羣動各怡情栗里門前客無求共此生

閒齋

微雨歇山村閒齋晝閉門聽鶯藏接葉與客倒清樽戶
掃孤雲映庭階百卉繁昨宵酣睡久彷彿夢桃源

山市

山市人歸晚斜陽綠樹多村墟田遠近時序日清和負

白雲山房詩集

中卷

三

塹爭前路兒童各放歌由來風俗古留得在巖阿

不見

不見今三月中庭入早寒巢空梁燕去囊漚壁螢乾漸
遣浮名累終知世路難從茲息關鑰便可問漁竿

不到

不到園中久間行病亦慵偶從臺上望節候屬初冬野
曠村烟直天低海霧濃亭臯霜葉外時度遠林鐘

華山晚歸

亭午造山巔歸當夕照前沙輕迷屐迹樹重冒炊烟詩
賦原閑事行藏亦偶然卽今童冠志一例想前賢

贈牟盧坡

幾夕聯牀雨所期非世情貧原賢者分書豈誤儒生交
淡心何遠霜高水正清崑崙山下路願結海鷗盟

西安對月有懷

玉帶橋頭月三年未忍看今來碧溪望素影不勝寒流
水知何意牙絃竟輟彈雲濤爲誰起北去尙波瀾

有事

有事辭家去脂車雞亂鳴寧知遲暮景輕此別離情風
雪天寒暖關山月晦明閨中兒與女洒淚感宵征

早渡淄水

鷹揚舊賜履虎竹古長亭日出扶桑曉山連大峴青淳
風流迥野孤跡寄浮萍欲問征夫路南山橫翠屏

康衢書院訪王豐山不遇

不見豐山久今朝過望都方期一握手豈意各長途霽
色明螺黛春風被鴈蘆滄浪亭子好誰與著潛夫

武陽送劉廣文旋里兼寄其兄調元同年二首

臨歧涉沂水歸及穆陵秋分袂纔幾日重逢俱白頭武
陽官舍冷文教魯碑留有才恩利濟無須問息陔
欲唱驪歌去無緣挽畫輪同爲異鄉客怯作送行人草
入青社綠山連大峴春池塘舊時夢應感歲華新

禹廟

禹城神禹廟經始自何年四海敷文命一隅祠潔川地
仍青竟舊功溯夏殷前幾度洪河溢司空急郡錢

禹城南門樓

久客春將暮登臨夕照中天低山莽蒼雲澹氣空濛
本因唐壘城仍記禹功時清潔水畔無數野花紅
丙寅冬旋里留別牟盧坡王介夫兩廣文

漂水三年住旋車及歲寒爭知冰雪冷違記道途難
結何曾解牙絃未易彈湖邊舊廬在正可問漁竿

雖徑脂車去中心有未忘介夫今澹菊牟子古庚桑菜

白雲山房詩集

中卷

五

舍存尸祝蘭言記國香東行如見訪家在錦秋旁

遺榮

遺榮非夙志冥跡寄巖阿未肯酒人隱甘從勞者歌
流光悲荏苒心事竟蹉跎仗輻輸河水終如素食何

聞畢野亭赴都回

未能拋敝帚豈復望千金去理驛亭策重尋湖上吟
紅蘂仍映水白髮不勝簪吾道誰知已歸來秋又深

北齋看菊有懷

木脫悲秋盡蓬枯斷素天林間風正肅籬下菊方妍
栗里誰招隱芸亭可草元嶠成山下侶相憶海雲邊

雪霽

夜雪朝初霽餘風動曉寒輕雲歸遠岫旭日照林端正
可邀清賞無從會古懽昨宵棋酒後懷響竟誰彈

書邢太僕爲李于鱗先生立嗣置田記後

詩名傳歷下書法重黎邱一代來禽館千秋白雪樓身
兼義獻蹟名並鳳麟洲寧識文章外高風萬古留

朝城西晚眺

和風寒食後夕照晚晴初與客閒憑眺循城閱里墟俗
非邨鄺舊地是漢唐餘驛路何年改西南走傳車

閒中

白雲山房詩集

中卷

六

雪霰下庭除閒中得自如淒清孤榻冷寂歷夜窻虛遠
道無鄉信荒村少異書惟當息煩慮一枕到華胥

將赴任城待於歷下令兒介歸取家口同行三首

日出已三竿庭中尙覺寒平生邱壑性豈復羨微官只
以居鄉苦遂忘行路難兒歸煩屢顧深恐客衣單

去家纔幾日倏已及殘秋半世飄蓬迹行藏豈自由寒
風吹曠野旅鴈下汀洲大汶橋邊水今應成細流

雞鳴天未曙陌上已車聲是果緣何事因之戒早行太
虛原曠澗下土各經營憫世還憐我勞勞亦此生

四豪塚

牛山左側田
氏四王也

還王歸帝幾年年十二關河付逝川遺恨祖龍終納土
可憐大鳥未衝天蒼涼故國迷鐘虞寂寞空山餘墓田
論定千秋知士貴顏生祠廟錦湖邊

秋望

淹迹三年古澗中清秋吟望與誰同嶽雲散作人間雨
日氣蒸爲海上虹事去牛山衰草徧優來魚里夕陽空
鷹揚事業爽鳩土目極高天惟斷鴻

晚出

塞鴈聲多報早寒楓林又見葉成丹閒尋谷口雲封樹
偶款僧扉月滿壇石間羣羊烟際暝山蹲孤鳳畫中看

白雲山房詩集

中卷

七

社公莫作重陽雨擬待黃花更倚闌

九日訪畢野亭不值

一逕寒山木葉稀杖藜遠款故人扉誰知白酒無迎送
敢道黃花有是非門外野風空落帽橋邊流水欲侵衣
佳辰眼看又拋却歸路狹斜烟月微

憶臨胸山居

三載秋風勞夢魂曾經採藥入烟村四山紅葉客雙屐
一塢白雲家半門宿果收完芳樹老名花開盡石牀溫
武陵舊事憑誰問擬殖田廬長子孫

憶雨弟餘慶

塞鴻遙下楚雲端，離思茫茫入早寒。一自征車臨瘴徼，
知將鄉語對蠻官。天涯衣薄書難寄，故國花開酒易闌。
默數長亭定回首，鷓鴣聲裏幾憑欄。

重陽後登高

已負黃花九日杯，今朝青嶂倚徘徊。馬蹄芳草霜中盡，
鵬背晴雲海上來。栢窠何人徵漢鼎，梧宮無主冷齊臺。
牛山亦是英雄恨，鴻鴈聲中落木哀。

東齋

蕭蕭墜葉滿前除，籬下黃花已漸疎。賓塞鴈寒聲斷續，
橫窻竹暉影紆。徐久無錢去沽新酒，時有人來送異書。

白雲山房詩集

中卷

一夕未安旋又去，何時却得賦閒居。

齊桓公墓

功流北杏存三國，墓接南郊對四豪。已見飯牛歌石爛，
誰從牧馬問山高。中原繼霸猶襄穆，豎子成名變莽操。
我在聖門稱五尺，也憑杯酒奠蓬蒿。

晤牟盧坡寄其弟啟昆同年

海上諸牟伯仲行，盧坡重見鬢毛蒼。風塵青眼各艱遇，
昆季白眉誰最良。轅固里邊秋色老，成連山下碧波長。
故人知我深相憶，歷下分襟已十霜。

庚戌元日

流年又見歲華新
栢葉椒花事事春
白髮無情貪入鏡
青山何意苦留人
漢家有道馮唐老
魯國多材原憲貧
有底相關心未忍
讀書空作太平民

雨止將至湖上和袁遽歸作詩留之

馬首前來問素波
蕭疎風景亘長河
蒼葭白露伊人在
秋水南華寓興多
流迅無煩憂退鷁
霜高正可得頭鵝
是行不附諸君後
奈此天機雲錦何

寄菴明府還自湖上示龐生仁表

載酒題詩處處同
昨朝又掛錦帆風
愛持霜蟹稻芒候
看戲遊魚蓮葉東
一夜葦花侵鬢綠
何年萍實渡江紅

白雲山房詩集

中卷

九

濠梁寄意知何意
衆父於今是寓公

和劉寄菴明府客夜

蕭瑟川原秋氣深
愁中倍覺夜沉沉
鴈聲墜地霜飄瓦
樹影橫窗月滿砧
遊子單寒悲遠道
美人遲暮感同心
有情豈爲閒兒女
思到天涯怨不任

修城慰同事

三月塵囂夢亦清
期將衆志與成城
蜂衙蟻壤皆經濟
鴻退鷗張各性情
本以梓桑關利弊
遂教父老費經營
分勞任怨休疑沮
事後人間有定評

事後書懷

寂靜空庭經過少
茅茨時復見幽心
短垣有隙從風過
老樹無花任雪深
頗愛蘇黃摩搨好不諳
肌骨苦寒侵
茶鐺小沸簾初捲
獨撥紅爐月滿襟

東原

東原東畔淺沙墳
十月清霜掩夕曛
曾說巫山能夢雨
豈知橫水不歸雲
寒花有徑澆新酒
碧草何心認舊裙
松柏正當車馬路
時時歸到一憐君

甲寅元日雨爲俳優

三農冬月雪愆期
乍喜今朝雨及時
陽氣未全回北陸
芳田已覺潤東菑
兒童歡聚隨鷄唱
林屋鮮新映酒巵

白雲山房詩集

中卷

十

見說太平真有象
因知天地果無私

上巳

又是三三祓禊辰
桃花濃柳共鮮新
紅襟燕子華堂外
紺鬚鵝兒曲水濱
何事蘭亭增感慨
尙餘青鳥望逡巡
年來愁緒兼多病
無復心情賦麗人

臘月二十六日雪有懷寄菴明府時歸自軍臺猶

羈京師

暫停塵事事閒居
六格明窻兩麓書
爐火未遑安枕席
雪花旋見下庭除
紅絲點筆呵還凍
白蠶裁箋道正紆
未識燕山賜環客
懷人歲暮意何如

癸亥南園

爲窮爲達付塵寰非惠非夷寄此間合倚柴門添五柳
昨占易象得兼山淮南隱士招叢桂海上仙人貯大還
中壘黃金那可鑄撫懷只惜鬢毛斑

穆陵關

穆陵北望亦關中闐闐依然舊土風仲父霸才猶相業
寄奴王者未英雄六朝兒戲衣冠盡七國兵爭杼軸空
千載遺黎今化日霜皐曉映海雲紅

齊城懷古二首

南山高冢鬱嵯峨北對齊城俯逝波黑時已歸秦日月

白雲山房詩集

中卷

十一

朱虛又變漢山河金湯七十還歸盡珠履三千豈足多
惟有單衣郭門客祇今傳得飯牛歌

章華門外路迢迢燕客歸來市已遙古觀陰森還竹樹
荒臺蕪沒盡蓬蒿心知秦客連環解不救齊城木偶漂
東帝未成西帝起六王畢後草蕭蕭

歸來

歸來兩月消清晝一卷楞嚴數首詩夢覺無緣收覆水
局終始悔着殘棋每輸疏傳知幾早深愧穰侯見事遲
月印寒潭清到底方知何僕不余欺

前途

百事無成雪鬢侵前途何計問升沉祇宜世外尋丹竈
悔向人間說素心花落花開春已暮簾垂簾捲月空臨
因循未去終何待塵海回頭愧向禽

南園

數畝荒園一草亭餘年便可付遺經春風幾變郊原綠
山色常如太古青濟世經綸觀覆水乘時消息感流萍
平生志事丹鉛在無取金門學歲星

丁卯除夕前一日

數月歸來少著書居家未便是閒居愛山遲蠟高人屐
謝客時聞長者車世事豈能忘物我天心默可驗盈虛

白雲山房詩集

中卷

三

流光迅速終何寄彈指明朝又歲除

戊辰正月六日示兩孫

連天有客叩柴扃秣馬稚駒不暫停未向杜康添酒債
時從陸羽試茶經今朝餘饌無多品昨夜清談正可聽
秋子陶兒能記否他年彷彿說儀形

戊辰人日

風景依然年已衰故園何事不歸來山中芝草皆三秀
湖上鱸魚亦四腮書帶名亭仍未就椒聊補壁尙煩栽
閉關習靜銘心久人日題詩首重回

秋日早起有感所見

一邱誰復辨羶腥與世無爭亦典刑獄底何人憐鄧析
醉鄉有日說劉伶漫誇文豹能開霧猶冀泥鵝自刷翎
試看今朝秋氣爽雲消不礙遠山青

感事

天地無緣問始終人間成敗古今同明妃遠嫁容顏改
季子歸來囊橐空湘水有蘭留楚佩長洲無日照吳宮
塞翁得失憑誰定夜久空看燭焰紅

平州懷古

王迹希微霸業昌轉從壇坫慨興亡陵夷不禁東西帝
夾輔誰還大小匡盟府守文空燕翼大風賜履本鷹揚

白雲山房詩集

中卷

三

葵邱亦是敦盤地一水寒波送夕陽

卽事答人

郊原芳潤雨初晴樹裏新蟬乍作聲節序已知春換夏
菑畬未遍耨兼耕墾牛樞馬同功業雲鵠波鷗異性情
昨日石橋橋畔過荷香十里不勝清

五月書室落成

牟麥登場禾蓋隴瓠瓜抽蔓柳含烟竹頭木屑胼胝後
鳥語花香耳目前時趁見閒臨古帖偶因客至汲清泉
北窻原是羲皇世緩擬菟裘已十年

武陽寺僧顯光索詩

楞伽空色渺無垠
南北宗風舊不分
彼岸妙明先觀止
此方清淨在音聞
紅桃綠柳時緣會
秋月寒潭轉放紛
試上春城城上望
東西山遠遠同雲

手裝趙高邑先生集成

目前已過皆陳迹
只合人生審目前
一夕人禽爭瞬息
千秋功過判天淵
昔年故里瞻祠宇
今日蕭齋對舊編
顯晦升沉何足論
公平總待後人傳

邢臺修志與趙生
汝毅蒐剔學宮舊
碑汝毅有詩
千秋名蹟說邢襄
兵燹推移墜渺茫
文獻有徵失杞宋
雲烟無計挽隋唐
幸留遺事傳明代
轉借豐碑托素王

白雲山房詩集

中卷

西

齊魯圖經應記取
蒐羅勿負聖人鄉

臨邑城南閒眺

暮春猶是艷陽天
爲散閒愁古刹邊
不見青山橫郭外
時隨綠樹歇風前
乾坤無盡皆佳景
晝夜如斯赴逝川
過眼雲烟總一瞬
我來登眺是何年

酬馬漢眉主人惠銅爐

故人惠我赤銅爐
攜到時當小雪初
熾炭正堪隨兀坐
負暄何事戀前除
常愁乏酒難消夜
便台添香自著書
欲擬木瓜酬德報
閒中無處得瓊琚

雙廟村

臨邑城東雙廟村人傳風景似桃源地因土軟沙成阜
樹到春來花覆門白袷常聞喧墨客紫駟時復駐王孫
我來周覽無他遇只有鴉聲吠短垣

臨淄兩甥孫來試新鷹爲賦此

尙父提封列闔闐齊風初變自狷間從狼從牡空便利
功狗功人亦等閒躡足馴成鍾室獄良弓藏向苧蘿山
千秋善獵岐豐舊置兔干城去不還

別鍾天石

三年聚首仍分袂一室盟心豈異途無復高軒酬壯志
何妨餘論著潛夫燕雲家世今齊魯邊李文章古杜蘇

白雲山房詩集

中卷

十五

何日硯田叨尙友倩人寫作耦耕圖

韓莊開課示從遊

假得閒齋寄此身簾櫳蕭寂靜無塵新來社燕擬佳客
重披簡蠹如故人几榻無須多料理巾箱還復著精神
雞聲五鼓三更月六十年來舊苦辛

郊外

偶親稼圃非耽隱暫輟詩書未是閒春鳥怡情風斷續
野花隨步柳彎環仁山智水行藏外和惠清夷去就閒
心有天遊無物我人間何事不開顏

辛巳四月朔日記事

與世無營常晏起已將文債謝知交白扉不用題凡鳥
紫燕猶知認舊巢種竹澆花聊遣興著書立說亦徒勞
餘年幸際昇平瑞合璧連珠在此朝

任城廟學後杏壇

洙泗西來合汶洸此間猶是聖人鄉九霄鵬翼開青嶽
百代麟經重素王自古山川留勝蹟於今俎豆有輝光
我來已是千年後闕里無緣拜廟堂

書懷

炎天曦景下階除北戶移牀結夏初星應七絃開鳳尾
風迴四照上蝦鬚無煩倒屣迎佳客正好支頤讀化書

白雲山房詩集

中卷

七

百事倥偬稀過眼居然一枕到華胥

白雲山房詩集中卷終

白雲山房詩集
六魚韻字發字改字
在七書韻字
韻相
非今云也

白雲山房詩集下卷

濟南 張象津 漢渡

今體詩

亭山先生梅花松葵圖四首爲王廬陵賦

亭山詳與賦廬

陵高祖崇禎末以諸生殉難年二十九梅圖作於辛巳松葵圖蓋卒前數月筆壬午一年事也

浮香淡淡影疎疎玉骨永魂入畫圖留伴冬青無恙在何須較量茂陵書

上公覆餗誰調鼎銜石靈禽自草間取似羅浮雙翠鳥別留明月向空山

葵解傾心當夏闌霜枝何事取同看丹青寄意非無意

白雲山房詩集 下卷

早識人間有歲寒

異代薪摧感廢興蒼涼天壽幾人登當年喬木誰傾恫不爲思陵爲孝陵

途次

菟頭嶺下繡成堆嵐氣濛濛曉霧開柿葉滿山青不斷却嫌不趁晚秋來

故宮四首

古樹摧殘杜宇紅歸來誰復認西東一般往事堪惆悵斜日憑欄弔慕容

白屋星星羅草徑微辟邪卧地雨霏霏多情惟有雕梁燕

猶貼堂前破礎飛
禾黍離離廢砌邊
眞看塵海化桑田
民家廁斃星星碧
曾是當年視影磚

金井闌干引恨長
頽垣零落露臺荒
濕螢粘竹無歸處
愁絕深宮林四娘

晏子墓

逼城近市杳難論
春雨糝糊樹不分
何事牛山譏洒淚
梨花開到景公墳

桃花寺

桃花渡口桃花寺
一曲河流數尺水
幾度客來花又盡

白雲山房詩集

下卷

二

柳陰惟見賣茶僧

昌樂途次

苦憶營陵高立夫
雲峰東望雪模糊
故人咫尺不相見
愁對孤山片月孤

絕句

愁思茫茫意未平
那堪意外起秋聲
惆悵天邊明月影
上弦纔過下弦生

題劉寄菴明府荷鋤圖

本非避世學揮鋤
只此蕭然是丈夫
定識何人同此志
就中添作耦耕圖

初至湖上

主人室是澹雲居，蕭瑟蘆花十里餘。
滿眼釣筒新晒網，當筵準擬見鱸魚。

魏氏草堂

五世同堂世所稀，使君題額有光輝。
從今秋水蘆花裏，認取伊人舊板扉。

呂埠送諸子從劉寄菴明府遊東湖便道暫歸六首

霜螿猶是稻芒天，百頃湖光落眼前。
乘興題詩兼載酒，幾人同上使君船。

白雲山房詩集

下卷

三

風起蘆花撲面飛，使君猶未換征衣。
魯連陂上秋容澹，去弔遺清舊釣磯。

牟子修髯氣絕倫，偶將餘事作詩人。
尊鱸歲歲秋風裏，肯便同來下釣綸。

秋水才人王子文，清詞句句鬱奇芬。
從遊幾夜湖邊宿，可但新詩寫錦雲。

後進龐生亦一奇，十年從我未言詩。
今來能作清新語，莫便流連賦竹枝。

錦水湖旁別所親，歸來燈下偶愴神。
閨中別有深心侶，知感天涯萬里人。

桃源莊

曲曲溪流短短橋微黃淺紫上林梢初冬天氣茅簷暖
時見居人晒藥苗

劉寄菴明府與牟盧坡將歸各有小詩卽席爲酌
伴山堂後撫山樓楓葉黃花點素秋瀟灑雲烟輕潑墨
何妨十日更停騶

已酉臘後三日夢韓逢伯畫蘭見寄

凍梅不畫畫芳蘭寄與幽人著意看叢桂小山何事業
國香三月滿長安

滄瀛道中八首

存一

白雲山房詩集

下卷

四

土竈烟如春植樹古車轍作破槽絃九河故道憑誰問
禹迹茫茫落眼前

灣頭

馬驚泥淖客驚塵何日能抽物外身行過河塘兼柳陌
始知身未是閒人

問山橋

羣峰歷歷水迢迢暖氣初回凍欲消幾度看山山未盡
迴車還上問山橋

異雀擊蝗圖

一幅鴛溪畫錦湖綠雲萬頃水平鋪憑誰重拓邊鸞譜

有此靈禽瑞雀無

甘雨隨車圖三首

山川回潤雨瀟瀟
取次甘霖徧四郊
借問天心爲誰轉
使君初過感通橋

四野田爲龜兆坂
三朝隴變鴨頭青
從知有脚陽春路
望盡長亭更短亭

蒼生霖雨古來聞
見我滇南舊使君
爭得幬帷今不駐
登高重望泰山雲

寄菴明府刻集成叙舊誼以詩索序三首

舊事蘧廬置硯田
馬公山側野雲邊
使君青蓋臨精舍

白雲山房詩集

下卷

五

彈指流光十七年

撫山樓上再停騶
賓客熟聞佳話留
張籍強添韓集序
得非游夏贊春秋

大文經世六經同
南雅聲歌與政通
周召憂勤申甫樂
難譜西河小序中

乙卯九月十四日晤寶作相寄馮六毓聰及諸故

人四首

栗葉初黃柿葉紅
晚秋風景亂山中
十年憶得臨胸路
半壁家懸晒藥籠

再過松山卽冶源萬竿修竹映柴門
故人不值仍前去

獨宿關南老樹村

昨朝竇五攜孫銓旅舍重逢正十年喜說胸山諸舊好
春風穩著祖生鞭

翹首名賢歷下亭白雲無際遠山青天衢皇路齊驥首
會送佳音醉客聽

古城

沙路縈回略約橫岸旁楊柳盡秋聲前村晚市人初散
白策蹇驢過古城

岔河

清沙泊外錦秋西禾稼盈疇樹覆堤合與高人作中隱

白雲山房詩集 下卷

六

著行栽竹菊成畦

鐵山絕頂望大峴諸峰

碧樹蕭條萬井秋雲峰東盡海東頭鷹揚賜履今還在
何處青山問爽鳩

舖通店

淄河南畔淄河店舊識前村魯兩生外翰衰殘孝廉死
古碑空看舊題名

沐水

馬跼西南沐水舖初冬水解水平橋却憶錦秋亭子外
碧荷萬頃柳千條

出關早行二首

穆陵南下問蘭陵
白露茫茫客感增
茅店霜橋漁浦月
僧寮隱約見殘燈

日出東南霧氣昏
山腰一抹失烟村
關前俗異聞新語
雌蜺人呼是霧門

出沂州二首

沂山沂水沂州府
郡以山名亦水名
千里客來緣底事
風沙和淚出東城

翹首鄉園路尚遙
山重水複幾魂消
回車更問征夫路
再上沔河石板橋

白雲山房詩集

下卷

七

范陽將歸趙秋渠送皮裏毡履

袖取溫和履取輕
燕南趙北送歸程
平生兄弟深相念
三十年來手足情

乙丑九日重至北垣

會盟臺下綠羅莊
楊柳蕭疎菊半黃
風景依然身不到
流光彈指七重陽

水稼二首

水稼北方呼樹掛
多因霧夜與霜晨
琪花玉樹非仙境
銀粟如來是化身

長林豐草遠連阡
盡是瓊枝插玉田
記取秋成今有兆

上旬穀日丙寅年

早過華嚴寺

錦秋湖畔華嚴寺舊有前賢著盛名陵谷滄桑人事改
蕭晨惟見野雲橫

書室落成題壁三首

漸謝塵勞學閉關藥畦書圃各開顏除將文史消清書
只隔牆頭看遠山

猶餘結習未全除拋却閒愁自著書千載侯芭那可料
荒郊留得子雲居

收拾遺經緘篋中恥將餘技老雕蟲他年誰問藏書處

白雲山房文集 下卷

轅固祠南八百弓

從人乞佛手

金粟如來有化身蕭然四大盡前塵願從一指求真訣
玉版同參中聖人

偶成二首

籬下數枝花矮嬌檐前幾陣雨簾纒羨他莊叟閒無事
斜抱庭柯夢正酣

欲謝塵寰事遠遊無從問訊向丹邱沿溪卜築成中隱
或見高人飲上流

得馮春臺近耗

安得才人馮性之終朝不見令人思而今三載無消息

京洛傳來兩韻詩詩有安得常從張漢渡山中更讀十年書之句

于澄園於淄水得古銅片

阿房寶鏡岐陽鼓多少摩挲好古人莫說殘痕纔一片也教一例想周秦

答寄菴明府二首

顏色重陽入夢思撫山樓上立移時華峰依舊當軒出總為離愁未有詩

兩字和平也大難人間非意竟無端寄來字字皆珠玉座右箴銘日日看

白雲山房詩集 下卷

九

王鶴溪客淄川久與同志酌答彙為卷帙喜題其

上二首

濟青廣浸古淄澗表海文瀾遠在茲風雅千秋未寥落

披函又見漢唐詩

海內漁洋說大宗詩名昆季古今同淵源家學流傳遠

喜有文孫繼考功

北平遇牟盧坡戊申秋夕與滇南劉寄菴明府樓霞半盧坡新城王相廷兩孝廉及

門麗生坐月棟花樓相與上下其議論已而明

府謂吾五人者皆癡人也謂牟為髯癡予為癯

癡王為混沌癡龐為癡癡仙則明府自謂也雖

一時戲謔之言追憶有足感者丁卯病起因憶

前詩并記其事

仙人騎鶴向溟池海右風流異昔時今是何年復何日
癯癡還復見髯癡

戊辰正月赴臨邑雜詩六首

去冬歸路飽風霜新歲餘寒冷正長值此蕭晨何所事
又將車馬駐他鄉

於陵山色做雲屏華鐵西來不斷青行過梁鄒重問訊
湖烟何處墨王亭

嵩山西望指歸蘇十二年來認舊途風景依稀仍未定
轉將前路問征夫

六九常年已泮冰今年七九未開凌繡江兩岸千株柳

白雲山房詩集

下卷

十

不見漁人掠舊罾

如水年華付逝川關梁登頓幾年年自拚濟水頻揮手

又上斜陽渡口船

濟水西邊宿霧消平沙一望路迢迢九河遺迹從誰問
徒駭徒存堞石橋

清明

臨邑城南柳萬枝清明惟見縷絲絲春光幾度閒拋却
又是飛花作絮時

七夕二首

支機石上驗蛛絲正是深閨得巧時縱使機中巧傳盡

人間那得有機支
年年此日陳瓜果一歲新添五穀芽數十年來追往事
始知閱世是空花

齋後桃花

一春料峭覺春寒纔覺春來花已闌多少芳園身未到
此間又得一株看

郊外二首

清明未覺是芳辰今日尋春始見春不必千紅兼萬紫
綠楊新色已宜人

城東東畔幾花村歲歲遊人說斷魂遙憶桃源芳草裏

白雲山房詩集

下卷

七

更無餘地怨王孫

春分後二日

春冷應知暖尚遙昨朝暝下凍全消百花明媚非無信
已見輕黃上柳梢

馬生遇時送墨二首

廷珪潘谷今稀有惟說江南曹素功君自何方能致此
攜來真與斷金同

筆墨精良原一樂可憐老眼不相宜昨宵兼得來禽帖
留向他年憶故知

規治南園示諸兒四首

新闢荒園四畝餘半栽桑柘半爲蔬擬添茅屋兼修竹
就便於中讀化書

編枳爲牆繚四環椒聊缺處啟柴關記於南角稀栽樹
留看般陽三面山

丹楓綠橘江南景北地風寒舊不宜籬畔但存三逕菊
閒時一咏和陶詩

王家異種蘋婆果每到春時花盛開李逕桃蹊空隙處
更令小僕乞新栽

九月晨起再示此詩

北方柿葉比丹楓每到霜深異樣紅欲向南園添百樹

白雲山房詩集

下卷

三

菊籬相映九秋中

辛巳清明

枝上桃花紅欲然青春又是道光年一般閒事成今古
別有兒童插帽簷

口占答長女

彈指流光入十餘前途誰復問居諸平生事事隨緣了
喜汝猶知愛父書

終朝

中年事事未言勞手植青楊如許高樹老於今人亦老
終朝喜看鵲營巢

題竇東臯先生省吾齋稿三首 存一

近見東臯又不同，周秦骨力漢唐風。
春濤字字源頭水，直映扶桑萬里紅。

夢中詩

豆葉蕎花邈似秋，曲溪一碧漾寒流。
風來隔岸千絲柳，亂送蟬聲度水頭。
夢中景事分明不更一字乃日光野色耳目皆秋似字殊不可解

鄒平西郭

時將赴濟寧州

梁鄒郭外幾曾經，市館園林異舊形。
一事千秋渾未改，依然山色向人青。

綉江旅次

白雲山房詩集 下卷

三

綉江橋畔古槐間，旅館蕭然月一彎。
見說高軒曾過此，有人和淚唱陽關。

迎春廟

齊川門外柳絲絲，共蹋名場年少時。
屈指知交今有幾，荒烟蔓草使人思。

發濟南二首

西來驛路傍山行，此去行山路尚平。
人迹板橋霜雪少，祇於茅店聽雞聲。

汶河秋漲水平鋪，旅館難行是畏途。
聞說嚴寒橋未就，仍將前路問征夫。

初見泰山

拔徠山下望天門果見巍巖聳出尊回首鵲華烟雨裏
羣峰競秀是兒孫

新莊嶺

客途登頓赴微官未到官時興已闌只喜岱宗真氣象
往來此地得重看

東餉舖

青徐割界古山川齊魯分疆又幾年舊有圖經難考信
行人空說汶陽田

寧陽

白雲山房詩集

下卷

西

寧陽南下野烟橫計地猶違百里程旅店荒村語漸改
聽來不似故園聲

任城

任城今改濟寧州城上猶存太白樓何似穀城山下路
酒徒不祀祀留侯

與吳林亭

任城才藪語非虛惜我來遲結納疎城郭諸賢皆傑出
村居更喜得吳迂

兗州城覽古三首

入城深處得烟村村外閒花半映門更上培塿高處望

千年甲第盡田園

斜陽返照樹林紅
敗寺頽垣有徑通
瓦礫蒿萊絕行跡
土人傳是魯王宮

兗州城在古徐州
歷代滄桑不可求
幸際太平民樂業
隨時禾稼滿平疇

城南登高

城南百貨號居停
估客帆檣連野汀
取次登高爭着眼
幾人閒看遠山青

會通河款乃曲二首

一水迢迢達上京
千艘銜尾赴王程
南人不道輸將苦

白雲山房詩集

下卷

五

競說淮陽按院清

南風助順促征帆
萬斛無須百丈牽
河水滿漕春更足
百神効職道光年

迎春

紛紛輿馬迎新歲
萬戶奔忙逐路塵
惟有閒曹無一事
只將帖子換宜春

松菊

松菊猶存歸意濃
尚須忍耐過寒冬
長支枕閒無事
聽徹南城鐵寺鐘

題書屋破壁二首

酒博無緣通結納詩文有數論知交雪灘偶爾留鴻爪
春社何須寄燕巢

春風披拂徧天涯水地惟生莖與葭縱有芳園桃李少
不如歸看故園花

贈同年劉松齋總戎四首

四十餘年同譜生未曾會面止聞名寧知小范橫經日
已貶熙河十萬兵

縮符作宰進身初已是川江蹂躪餘賊作飛蝗慚入境
中孚自古信豚魚

郎官百里應三台經濟原從經術來奮武揆文同一事

白雲山房詩集

下卷

七

應知投筆是邊才

勛名特達九重天海隅臨戎又幾年白髮歸田家萬里
一來握手亦前緣

答王仙李孝廉三首

兩載閒曹寄此生幽居未敢問時名豈知老去歸休日
得聽中天曉鳳聲

家學淵源德不孤儒林文苑亦分途忠宣志事姬文正
終勝斜川繼大蘇

天賦殊才非偶然前途遠大正英年虛心上達如君少
得不前賢畏後賢

失題四首

劉向傳經無好懷淵明束帶亦堪哀杜鵑啼罷鷓鴣語
諸君何事不歸來

白雪無緣信友生黃金何事感交情他年我續龍門史
也傳巴江寡婦清

斷木靈椿俱等閒蒙園妙喻觸蠻間而今習聽榆枋語
十里耳中龜嶧山

由來名士若名泉有本盈科意確然人鬼兩途均不惑
險夷一致各隨緣

大父存詩初曰澹中集嗣有花山北杏潔川黎邱諸草
通曰莪石集晚歲補授濟寧學正濟寧古任國又彙往
來諸詩曰任城集歸田後命合澹中莪石兩集以古今
體編爲白雲山房詩三卷卽今付梓者是也先是陽湖
張翰風大令得澹中集副本於冠縣趙乾甫先生亟賞
之謂風格不減漁洋作序言刻諸館陶並屬乾甫期得
詩文全集梓以行世時未及送而大令沒故澹中集遂
單行迄今已六載矣追維高誼有足感者敬述集後用
示不敢忘云道光丙申七月旣望孫繩武謹識

5
定价 8.00

